

## KONTROL MOZIOA

### **Klima-aldaketaren aurka konpromiso zehatzak hartzeari buruzkoa**

Garbiñe Alkiza Lopez de Samaniego EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2019ko irailaren 16an Lurralde Garapen eta Planifikazioaren Batzordean aurkeztutako interpelazioaren ondorioa da.

## JUSTIFIKAZIOA

Larrialdi Klimatikoa datozen urte eta hamarkadetako agenda baldintzatzeraz etorri da, gure ongizatearentzako mehatxu nagusienetarikoa baita, benetako zibilizazio erronka bat. Mundu mailako eta Euskal Herriko egoera eta joerak ez du baikortasunerako tarte handiegirik uzten, are gutxiago geldotasunerako. Gazteentzat dagoeneko kezka nagusi bihurtu da; ez bakarrik larrialdia bera, baita gaiari ematen zaion erantzun politiko eskasa ere.

Azken urte luzeetan komunitate zientifikoak aldaketa klimatikoaren bilakaeraren inguruko abisuak eta jakinarazpenak igorri ditu. Aldaketa klimatikoa, Berotegi Efektuzko Gasen isuri masibo baten ondorioz gertatzen ari da, eta isuri horien arrazoi nagusia, bakarra ez bada ere, gure metabolismo sozioekonomikoa mantentzeko erretzen ditugun baliabide fosilen erabilpenean datza. Aldaketa klimatikoa, beraz, guk eragiten dugu nagusiki, eta dagoeneko ondorioak atzematen hasiak gara.

Urtez urte argitaraturiko txostenetan, egoera kaskartzen ari denaren zantzuak ditugu. Nazioarteko hainbat erakunde eta lantaldek argitaratzen dituzten txostenetan gero eta argiago esaten da klima eta energia politikan, eta ondorioz gure egunerokotasunean, eraldaketa sakon bat, iraultza bat, eman behar dela, baldin eta egoerari aurre egin nahi badiogu eta aldaketa klimatikoaren efektu bortitzenak pairatu nahi ez baditugu. 2018ko urrian, IPCC Klima Aldaketari Buruzko Gobernu Arteko Taldeak, plazaraturiko txosten berezi batean, tonua altxatu zuen indarrean dauden politikek behar besteko anbiziorik ez dutela

## **EH Bildu talde politikoa**

Grupo político EH Bildu

Ijentea, 1 - 20003 Donostia  
Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

salatuz, eta elektrizitatearen, nekazaritzaren, garraioaren eta industriaren sektoreetan aurrekaririk gabeko aldaketak eskatuz.

2018ko azaroan, Nazio Batuen Ingurumen Panelak aditzera emandako txostenak egoera larria dela ohartarazten du, esfortzuak areagotzen ez badira hondamendira goazela azpimarratuz.

Global Footprint Network (GFN) erakundeak bere webgunean azaldu duenaren arabera, aurten lehen aldiz planetaren urte osorako baliabideak agortu dira uztailaren 29an. Gure kapital naturala agortzen ari gara.

Gaia bere osotasunean ikusirik, argi dago ataka batean gaudela eta orain arte proposatu eta egindakoa berraztertu beharrean gaudela. Ahal dela, eta industria iraultza aurretiko egoerarekin alderatuta, 1,5°Cko tenperatura igoera ez gainditzea helburutzat zuen 2015eko Parisko Akordioa betetzeko, orain arte emandako pausoak guztiz ez-nahikotzat jo beharrean gaude.

Hasieran genioen bezala, zibilizazio erronka baten aurrean gaude, eta nahiz eta ahalmenak gainditzten dituzten lanak ditugun, egoerak partekaturiko esfortzu bat eskatzen du.

Gure ustetan, ipar orratza ahalik eta azkarren karbono isurietan neutroa izango den Euskal Herri baterantz begira jarri beharrean gaude, eta horretarako ezinbestekoa da eraldaketa azkar eta eraginkorrak egitea. Prozesu honek gure jendartean inplikazio anitz eta sakonak ekarriko ditu, bai ehun produktiboan, bai mugikortasunean, bai lurralde antolamenduan eta abar, horregatik deritzogu pausu azkar eta eraginkorrak ematea ezinbestekoa dela.

Eusko Jaurlaritzak klimaren eta ingurumenaren larrialdi egoera deklaratu du. Neurri zehatz bat ere iragarri du: urteko aurrekontuaren zati bat klima aldaketa arintzeko neurrietara bideratzea, eta aldaketara egokitzeko neurrietara.

## **EH Bildu talde politikoa**

Grupo político EH Bildu

Ijentea, 1 - 20003 Donostia  
Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

Hainbat dira larrialdi klimatiko egoera salatu duten hiriak: Frantzia, Irlanda, Erresuma Batua, Kanada eta Argentinan, esaterako. Besteak beste, Kataluniak, Sevillak eta Zaragozak ere larrialdi klimatiko egoera salatu dute.

Udal Gobernuak ez du halakorik egiteko konpromisorik agertu, ordea, nahiz eta klima aldaketa funtsezko gaia den donostiarren etorkizunerako eta nahiz eta Eneko Goia alkateak etorkizuneko erronken artean kokatu duen. Eta argi dago gure hiriak ezin duela gai honetan atzean geratu.

Horiek horrela, honako hau da behean sinatzen duen zinegotziak aurkeztutako **KONTROL MOZIOA**:

1. Donostiako Udalbatzak hertsiki eskatzen dio Udal Gobernuari larrialdi klimatiko egoera deklara dezala.
2. Donostiako Udalbatzak hertsiki eskatzen dio Udal Gobernuari Eusko Jaurlaritza larrialdi klimatikoari aurre egiteko beharrezkoa den karbonogabetze prozesua 2040. urtera aurreratzeko moduko plangintza eta politikak abiatzera premia dezala, egun dagoen larrialdi klimatikora egokitutako neurri eraginkorrak urgentziaz hartuz.
3. Donostiako Udalbatzak hertsiki eskatzen dio Udal Gobernuari Aldaketa Klimatikoaren eragiten duten udal eskumeneko faktore guztien inguruko diagnosi bat eta 4/2019 Jasangarritasun Energetikoaren Legearen garapena Donostiara egokitzeko hurbilpen lan bat egin dezala zortzi hilabeteko epean.
4. Donostiako Udalbatzak hertsiki eskatzen dio Udal Gobernuari, Donostiako egoeraren diagnosi kontuan hartuta, prozesu partehartzaile bat abia dezala herritarren eta beste edozein eragileren ekarpenak barne bilduko dituen plangintza bat osatzeko 2020. urtean zehar.
5. Donostiako Udalbatzak hertsiki eskatzen dio Udal Gobernuari Donostiako herritar eta eragileekin elkarlanean, plangintza hau aurrera eramateko beharrezkoak diren

**EH Bildu talde politikoa**

Grupo político EH Bildu

Ijentea, 1 - 20003 Donostia  
Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

bitarteko tekniko zein ekonomikoak bermatzeko konpromisoa har dezala, bere gaitasunen araberakoa izanik plangintza gauzatzeko epea.

6. Donostiako Udalbatzak hertsiki eskatzen dio Udal Gobernuari bat egin dezala, larrialdi klimako egoera dela medio, irailaren 27an deituta dagoen nazioarteko grebarekin eta herritar guztiak parte hartzera anima ditzala.

Donostian, 2019ko irailaren 19an

Garbiñe Alkiza Lopez de Samaniego  
EH BILDU udal taldeko zinegotzia